



王荆文公詩箋註

二十





王荆文公詩卷之四十八

鴈湖李壁

須溪劉辰翁



律詩

送僧惠思歸錢塘

堂前湖水綠歸時正復有荷花花前亦見餘

秋姥為道仙人憶酒家

公有古詩翰林謫仙人往歲酒姥家。方干送僧歸桐廬詩聞師却到鄉中去為我慙慙謝酒家。列仙傳王方平以千錢与謝秋姥相聞沽酒姥送酒谷云恐地上酒不中尊飲耳。

松江

來時還似去時天欲道來時已惘然祇有松江橋

下水無情長送去來一作船

松江即吳江也。唐常冰詩來時歡笑去時哀家園迢迢迫越臺松江橋即長橋也。

秋日

莫言秋早一作草木未知秋今日風雲已自愁獨傍黃

塵騎一馬行看蕭索聽颼颼

中秋夕寄平甫諸弟

浮雲吹盡數秋毫燭燭金波滿滿醪千里得君詩

挑戰夜壇誰敢將風騷

杜詩上方重閣晚百里見秋毫。漢郊祀志以金波師古曰月光穆。若金之波流也。

說文曰焮音弋灼反火飛也一日莖聲○白詩
酒醖酌來瀆蒲之花枝看即落紛○李群玉
詩詩雲卷為腫臙直出滄浪上碧空○漢高
帝紀與漢王挑戰李奇音徒了反臣瓚曰排
擿姚敵求戰也古謂之致師○杜
牧之詩今代風騷將誰登李杜壇

靈山

靈山寧與世為仇片斧侵凌自不休水玉比來聞
長價市人無數起相讎

按圖經在信州上饒縣西北九十五里亦名靈
鷲山周廻百餘里舊經云上有龍池多珠木
齊兼出水晶片斧侵凌言伐山取水玉也○
司馬相如傳水玉磊珉泣水精也○靈運凌波
玉採水

荷花

四八

亭亭風露擁川坻天放嬌饒豈自知一舸超然他
日事故應將爾當西施

任宏升詩咏令行春返冠蓋益川坻注坻岸也
詩外在水○唐詩名高自不知○小川
遊子蓮開當麗人又綠桂為佳客紅蕉當美人

殘菊

黃昏風雨打園林殘菊飄零滿地金拆得一枝還
好在可憐公子惜花心

還好在一作猶好在○歐陽文忠公嘉祐中見
荆公此詩笑曰百花及落獨菊被上姑且因戲
曰秋英不比春花落為報詩人子細看世傳
謂王君玉有此句蓋詩意有相類耳文公聞之
曰是守不知也據落英乃是桑之未落華落色衰

之若非必言花委於地也。歐王二巨公豈不曉此。切疑小說皆謬不可信。蔡條西清詩話文始也。

竹牖

竹窓紅莧兩三根。山色遙供水際門。只我近知墻下路。能將殺齒記苔痕。

易夫卦莧陸夬。宋衷注云莧。菜。白詩經滑苔粘殺潭深水沒篙。

出定力院作

江上悠悠不見人。十年塵垢夢中身。殷勤未一作為解下香結。放出枝間自在春。

建康二志無定力院。豈定林乎。李郢詩。丁香正堪結。留步小庭隈。

寄育王大覺禪師

山木悲鳴水怒流。百蟲專夜思高秋。道人方丈應無夢想。復長吟擬蕙休。

退之詩。夜深靜卧百虫絕。此言百虫專夜皆佳。又樂天長恨歌。春從春游夜專夜。又明妃曲。只得當年滿宮掖。何曾專夜奉。帟鼻。江淹擬休上人詩。日暮碧雲合。佳人殊未來。

送僧游天台

天台一萬八千丈。歲晏老僧携錫歸。前程好景解吟否。密雪亂雲緘翠微。

真誥桐栢山高一萬八千丈。今天台亦然。太白詩云。天姥連天向天橫。勢拔五岳掩赤城。天台四萬八千丈。對此欲倒西。嶺。鄭谷詩。天澹滄浪晚。風悲蘭杜秋。前程吟。

此景為了
上高樓

次韻張仲通水軒

池雨含烟暝不收，草根長見水交流。愛君古錦囊

中句，解道今秋似去秋。如此引賀詩似戲非前人比

李白詩解道澄江淨如練，令人長憶謝玄暉。李賀詩獨睡南牕，月今秋似去秋。錦囊句亦是賀事

送陳令

長谿流水碧潺潺，古木蒼藤暗兩山。把臂道人今在否，長官白首尚人間。

杜詩壯心久零落，白首寄人間。

八

四

無錫寄孫正之

健席高檣送病身，亂山荒隴障歸津。應湏一曲千回首，西去論心更幾人。

杜詩我行入東川，十步一回首。李義山哭劉黃詩一叫千回首，天高不為聞。王摩詰詩勸君更盡一盃酒，西出陽關無故人。觀末句公厚侔如此。

漫成

清時無路取封侯，病卧牛衣已數秋。日月不膠時易失，感今懷昔使人愁。

不膠言常去而不留也，但封侯一句疑公不作此語。

初晴

一抹明霞黯淡紅，尾溝已見雪。雲融前山未放曉，寒散猶鎖白雲三兩峯。

句而錄黯淡言色之淺。秦少游詩對霞一抹海天低。○唐人詩沉云隱喬樹細雨凝層巒。

釣者

釣國平生豈有心，解甘身與世浮沉。應知渭水車中老，自是君王着意深。

文下載呂尚與俱歸雖无車字然載即車也事見嚴陵祠堂注。張樂全亦有大公詩今附於此。點坐潘溪素髮垂商周於此繫興衰。機深正侶忘機者應被沙鷗靜想窺樂全之語与公意別。怨非所以議聖賢也。又嘗記唐人一詩不知誰作詩云青山長在境長新寂寞持竿一水濱。及得王師身已老不知辛苦為何人。莊子亦有釣戒事。

將次鎮南

豫章江面朔風驚，浩蕩帆船破浪行。目送家山無幾許，千年空想蟋蟀聲。

宋宗翬年尚少叔父少文問其所志翬答曰願乘長風破萬里浪。○莊子逍遙遊篇朝菌不知晦朔蟪蛄不知春秋此小年也。

出金陵

白石岡頭草木深，春風相與散衣襟。浮雲映郭留佳氣，飛鳥隨人作好音。

建康志白石岡在城東見示耿天鵬注又江寧縣城南一十五里有石子岡一名石于墩。孫峻嘗諸葛恪投之於此岡。即韓擒虎受陳將任忠出降之所。又溧水縣北二十里有白石山。三

處名皆不同不知此所指何也又世說孫因公
為庾公參軍共遊白石山疑即白石崗也○漢
光武紀望氣者蘇伯阿見春陵暗曰氣佳哉
鬱蔥蔥然此謂金陵嘗為帝王都○易小過飛
鳥遺之音凱風颯
院黃鳥載好其音

酬王微之

一雨迴颺助尊收炎曦不復畏金流君家咫尺堪
乘興想岸鳥巾對奕秋

月令孟秋之月其帝少皞其神蓐收言金火方
戰風雨助秋意也 莊子逍遙遊篇天旱金石
流土山焦而不燃

題玉光亭

傳聞天玉此埋堙千古誰分偽與真每向小庭風

月夜却疑山水有精神

按信州圖經玉光亭在玉山縣厅之東不知所
自章郇公及荆公詩碑在焉郇公詩曰千層樓
玉對軒窗池上新亭號玉光蓋此便堪為吏隱
神仙官職水雲鄉 蜀人青陽楷詩云鳴琴資
宰有三長吟得新詞敲夜光好是斷章无以和
神仙官職水雲鄉 蜀人青陽楷詩云鳴琴資
楚州瑤應縣今附唐尼真如事於此○開元中
有李氏者嫁於賀若氏賀若氏卒乃捨俗為尼
號曰真如家於鞏縣考義橋天宝元年七夕真
如於盟濯之間忽見五色雲氣中引手不見其
形徐以囊投真如曰宝之謹勿言也真如謹守不敢
失墜天宝末中原鼎沸真如展轉流寓於楚州
安宜縣肅宗元年建子月真如忽見二人衣皂
衣引真如東南而行植援觀嚴飾衣備鮮肅皂
冠者指之曰化城也城有複殿一人衣碧戴宝
冠號為天帝復有二十餘人衣冠亦如之呼為
諸天諸天命真如進既而諸天相謂曰下界喪
乱時久殺戮過多腥穢之氣達於諸天不知何

以救之一天曰莫若以神寶壓之又一天曰常用第三寶今沙氣方盛第三寶不足以勝之須以第二寶投之則兵可息亂世可清也天帝曰然因出寶授真如曰汝姓令刺史崔旌進達於天子時肅宗寢疾方甚視寶促召代宗謂曰汝自楚王為皇太子今上賜寶獲於楚州天祿汝也自寶愛之代宗再拜受賜得寶之故即日改為寶應元年上既監國乃昇楚州為上州縣為望縣政縣名安宜實應焉楚州刺史鄭轄作記○韓詩世俗誰知偽與真○荀子玉在山而木潤淵生珠而崖不枯牛奇章詩珠玉會應成咳唾山川尤竟露精神

贈僧

紛紛擾擾十年間世子何嘗不強顏亦欲心如秋水靜應須身似嶺雲閑

張樂全寄耶思誠詩心同秋水靜身共野雲閑思誠大華隱者

四升一七十一

嘲叔孫通

馬上功成不喜文叔孫綿蕪共經綸諸君可笑貪君賜便許當時一作先生作聖人

本傳上患朝儀不肅通采方札與秦儀雜就之與諸生為綿蕪野外習之月餘通曰上可試觀拜通為奉常賜金五百斤通因進曰諸弟子儒生隨臣久矣與其為儀願陛下官之高帝悉以為郎通出皆以五百金賜諸生乃喜曰叔孫生聖人知當出務綿蕪如淳曰謂以前剪樹地為纂位尊卑之次春秋傳曰置茅蕪師古曰蕪與蕪同或云此詩宋景文作共經綸作強經綸王逢原集亦有詠叔孫詩大抵同此意云弟子由來亦未純異時得失亦顯顯一官所買知多少便議先生

和淨因有作

作聖人

朝紅一片墮窻塵，禪客翛然感此辰。更覺城中芳
意少，不如山野早知春。

參同契論外月形體為灰土狀若明燄塵。後
山詩僧奩手汗空留迹佛几堆紅拂委花。東
坡詩曲欄幽榭終寒。窘一看郊原浩蕩春。

張工部廟 未詳何人

使節紛紛下禁中，幾人曾到此城東。獨君遺像今
如在，廟食真須德與功。

寄伯兄

身留海上去，何時只看春。鴻北向飛，安得先生同

一飯一作鮑蕨芽香嫩，蟹魚肥。

楚公七子安仁為長，此詩所指伯兄是也。蟹音制。

和張仲通見寄三絕句

高山流水意無窮，三尺空弦膝上桐。默默此時誰
會得，坐凭江閣看飛鴻。

劉長卿詩古調雖自愛，今人多不彈。詩誰會得亦此意也。禮注目寒江倚高閣。晉顧愷之
恒云手揮五弦，易目送孤鴻難。

其二

收拾乾坤付一壺，世間無物直鎔鑪。醉鄉舊業拋
來久，更欲因君稍問塗。

唐王績有
醉鄉記

其三

歌枕狂歌擊唾壺直將軒冕等錙銖醉鄉歧路君
知否不似人間足畏塗

令狐楚詩閑齋夜擊唾壺歌試望夷門柰遠河
晉王粲仲每醉後輒詠魏武樂府歌曰老驥伏
櫪志在千里以如意打唾壺為節壺邊盡缺
莊子畏塗者十殺一人父子兄弟相戒也

宣州府君喪過金陵

百年難盡此身悲眼入春風祗涕洟花發鳥啼皆
有思忍尋常棣脊令詩

公兄安仁為宣州司戶脊令雖渠水鳥而在
原失其常處則飛則鳴求其類天性也猶兄弟
急難之於

觀王氏雪圖

崔嵬相映雪重重茅屋柴門在半峰想有幽人遺
世事獨臨青峭倚長松

韓子

紛紛易盡百年身舉世何人識道真力去陳言誇
末俗可憐無補費精神

選詩爭先萬里塗各事百年身。莊子道之真
以治身士首以治天下。劉歆傳堂同門妙道
真。觀公此詩尚謂退之未識道真也余在臨
川聞之曾氏子弟載南豐語云介甫非前人盡
獨黃帝孔子未見非耳談其非人太多也如此
詩可具。陳熙已云荆公詩力去陳言誇末俗
可憐無補費精神而公平生文体數變莫年詩
益工用意益苦故言不可不謹也。韓詩可於

無益贊精神有似黃金擲虛牝公譏籍子而用其語但易一字耳

宰嚭

謀臣本自繫安危賤妾何能作禍基但願君王誅

宰嚭不愁宮裏有西施偏宕

詭死相公問於管仲吾欲使爵爵於酒肉爵於且得無害霸乎對曰無害於霸也惟不知賢害霸信賢而復使小人參之害霸詩意殆本此程氏云李觀謂若教管仲身長在宮內何妨更六人此語不然管仲時相公之心特未盡也若已盡雖管仲可奈何夫有心盡尚能用管仲之當以程說為允

郭解

藉交雖有不貲恩漢法歸成棄市論平日五陵多

任俠可能推刃報王孫

言藉交雖於人有恩漢法不許也本傳以軀藉友報仇師古曰藉謂借助也公孫弘議解罪當大逆云道遂族解不止棄市也解誅後俠者極衆而無足數者郭解以匹夫而奪人主死生之權且聖人之作五刑固輕重今一言不中意而立殺之此何理也考其唱此悖亂之風解實為之魁故弘之言解布衣為俠行權以睚眦殺人解不知此罪甚於解知劉罌之以弘此一事為得大臣之体

古寺

寒寒蕭蕭寺半遺基遊客經年斷復基猶有齊梁舊
時毀塵昏金像兩昏碑

蕭寺見上注。漢班婕妤行博俯視兮丹墀思君兮履綦綦履之飾也。温庭筠詩猶有南朝舊

碑有敢將只廢問漁翁。杜詩誰有古殿存世
尊心塵埃如聞龍象立足令信者哀

越人以幕養花游其下二首

幕天無日地無塵百紫千紅占得春
野草自花還自落落時還有惜花人

越人養花亦如洛中劉伶傳幕天席地○言野
花雖無幕護值其落時亦有惜之者

其二

尚有殘紅已可悲更憂回首祇空枝
莫嗟身世渾無事睡過春風作惡時

古詩花開堪折直須折莫待無花空折枝白集
爭忍開時不同醉明朝後日即空枝黃臺瓜詞
三摘尚云可四摘抱蔓歸公詩亦類此

魚兒

遶岸草鳴水欲乾魚兒相逐尚相歡
無人挈入滄江去汝死那知世界寬

喻修至而不知由溺於燕安也○古靈師在
下自經蜂子投膺紙求出古靈師曰世界如許
闊下片言盡他故紙做甚林公

離鄣至青江東望

村落蕭條夜氣生側身更望一傷情
丹樓碧閣無處所只有谿山相照明

丹樓碧閣言
變滅無餘矣

信州回車館中作二首

太白山根秋夜靜亂泉深水遶床鳴病來空館聞
風雨恰似當年枕上聲

太白山在劍縣公之舊遊也。鄭谷詩向蜀還秦計未成寒蛩一夜遶床鳴。當年指太白山

其二

山木漂搖卧弋陽因思太白夜淋浪芭蕉一枕西

燭雨一作西窓一復似當時水遶床

弋陽信州縣名張祐題弋陽館詩不知即是此館否其詩云一葉飄然下弋陽殘霞昏日樹蒼蒼吳溪漫作下將劍却是猿声斷客腸

天童山溪上

溪水清漣樹老蒼行穿溪樹踏春陽溪深樹密無

人處唯有幽花度水香妙處自然不入思索

以公經游記考之山在鄞縣。段成式記兎詩長安女兒踏春陽無處春陽不斷腸

鄞縣西亭

收功無路去無田竊食窮城度兩年更作世間兒
女態亂栽花竹養風煙

韓詩臨分不汝誑有路即歸田。退之詩無為兒女態惟悴悲賤貧

別鄞女

行年三十已衰翁滿眼憂傷只自攻今夜扁舟來
訣汝死生從此各西東慘絕

禮五十始衰三十而言衰翁亦大早矣。杜詩明朝牽世務揮淚各西東

真州馬上作

身隨飢馬日中行，眼入風沙困欲盲。
心氣已勞形亦弊，自憐於世欲何營。

大史汗傳神大用則竭形大勞則弊

登飛來峯

飛來山上千尋塔，聞說鷄鳴見日昇。
不畏浮雲遮望眼，自緣身在最高層。

興化軍仙遊縣有大飛山臨安錢塘縣靈隱寺有飛來山介甫未嘗入閩若又以為靈隱飛來峰則初無塔兼所見亦不至甚遠恐別指一處也。後漢志大山日觀鷄一鳴時見日始欲出長一丈所大山記東南巖名曰日觀言鷄初鳴時見日出又有秦觀吳觀望見長安會齋孟

四一八

一三

二二二二二二

浩然天台詩鷄鳴見出日常與仙人會。杜牧詩明朝楚山上莫上最高層若以詩讖言此亦可見公被遇神考始終人不能間也。陸賈新語邪臣蔽賢德浮雲之障白日也。李白詩尺道浮雲能蔽日

讀漢功臣表

漢家分土建忠良，鐵券丹書信誓長。
本待山河如帶礪，何緣薤醢賜侯王。

周書武成分土惟三賈誼傳衆建諸侯而少其力。漢高帝紀與功臣剖符作誓丹書鐵契金匱石室藏之宗廟注金匱猶金滕也契亦券之異名。漢封爵之誓曰使黃河如帶泰山若礪因以永存爰及苗裔於是申以丹書之信重以白馬之盟注帶衣帶也礪砥石也河當何時如衣帶止當何井如礪石也。黠布傳漢誅梁王彭越盛其醢以徇賜諸侯刑法志所謂薤其於

由是也

詠月

追隨落日盡還生，點綴浮雲暗又明。江有蛟龍山

虎豹，清光雖在不堪行。以最高層為識，則此句當如何？小夫多思，漫寄一笑。

揚子五百篇，月未望則載鬼于西，既望則終魄于東，其變於日乎？注：朔迎也，向也。莊子秋水篇：水行不避蛟龍者，漁父之勇也；陸行不避虎兇者，獵夫之勇也。韓公將歸，操涉其淺兮，石齧我足，乘其深兮，龍入其舟，亦此意。

金山

恠祕陰靈與護持，重丹複碧煥參差。滄江見底應

無日，萬丈孤根世不知。即是前金山寺第一首，疑改本然不及。

杜荀鶴詩：海枯終見底，人死不知心。村詩：艷顏既沒，孤根深。

疊翠亭

煙籠遠浦迷芳草，日照澄湖浸碧峰。幸有清罇堪

醕酌，忍陪良友不從容。

韓子蒼詩：木竹分流下山去，為君絕浸紫霄峯。

默默

默默長年有所思，世間談笑謾追隨。蒼髯欲茁朱

顏去，更覺求田問舍遲。

勉酬俗也。韓文：蘭茁其芽。黃詩：笋茁不避道。

寓言三首

大虛無實可追尋葉落松枝漫古今若見桃花主
聖解不疑還自有疑心

張安道和趙叔平詩視身無實元泡幻觀世皆
空漫古今。楊傑語拈花示衆微笑者已墮迷
坑立雪齊腰勤求者自投疑網靈雲詩
自從一見桃花後直到如今更不疑

其二

本來無物使人疑却為參禪買得疑聞道無情能
說法面墻終日支尋思

尊旨云三葉十二分教是分外事若与他作對即
是心境兩法便有種種見解若不与他作對一
事也无所所以祖師云本來无一物。傳好錄良
玠禪師問溪山頃聞忠因師有无情說法良玠
未察其微偽山云云玠又問雲巖曰无情說法
什麼人得聞雲巖曰无情說法天得聞師曰和

甲八

十平

尚聞否雲巖曰我若聞汝即不得聞吾說法也
曰若恁麼即良玠不聞和尚說法也雲巖曰我
說法汝尚不得聞汝况无情說法也師乃述偈
至雲曰也大奇也大奇无情說法不思議若將
耳聽声不見眼処聞声方自知。尋思謂六祖
今石頭尋思去也思即青原行思禪師。樂天
詩老愛尋思事

其三

未能達本且歸根直照無知豈待言枯木巖前猶
失路那堪春入武陵源

信心銘歸根得旨隨照失宗。臨濟云汝流不
止問如何真照無边說似他。安禪師玄談拈
木巖前义路多行人到此莫蹉跎
杜詩悲秋宗玉宅失路武陵源

偶書

穰侯老擅關中事長恐諸侯客子來我亦暮年專
一壑每逢車馬使驚猜

穰侯謂王稽謂君得無與諸侯客子俱來乎无益徒亂人國耳。張文潛詩穰侯擅關中頗畏諸侯客搜車計已遲終困范公策庸夫吝富貴百計私自惜勢移禍敗至智巧竟何益。莊子秋水篇且夫擅一壑之水而騰踴埽井之樂此亦至矣

揚子三首

儒者陵夷此道窮千秋止有一揚雄當時薦口終
虛語賦擬相如却未工

本傳蜀有司馬相如作賦甚弘麗溫雅雄心壯之每作賦常擬之以為式又孝成帝時有薦雄文似相如者召雄待詔承明之庭言薦雄者止稱其詞賦雄蓋知道者不應以詞賦稱之兼實未及相如之工也。公古詩亦云知者乃獨稱其詞

其二

九流沉溺道真渾獨泝頽波討得源歲晚強顏天
祿閣祇將奇字與人言

一本作道真沉溺九流渾。陸機文賦泝波而討源。司馬遷遺任安書及已至此言不辱者所謂強顏耳。注強其兩反。詩言雄仕於莽時實包羞故猥託於奇字耳

其三

千古雄文造聖真眇然幽思入無倫他年未免投
天祿虛為新都著劇秦

雄辭嘲頽而泝大文五十字大者含元氣纖者入無倫雄雖投閣莽言其素不與事或猶以美

新故

讀維摩經有感

身如泡沫亦如風刀割香塗共一空宴坐世間觀此理維摩雖病有神通

華嚴經云以白旃檀塗身能除一切熱惱得清涼也。刀割歌利王事法華經云或遭王難苦縮刑欲壽終念彼觀音力刀尋段段壞前輩謂此言性也。楞嚴經云觀世音今眾生於我身心獲十四種无畏功德五者熏聞成聞六根銷復同於聲听能令眾生臨當被害刀段段壞使其兵戈猶如割水亦如吹光性无搖動蓋割水吹光而水如火之性不動搖猶如遇害而吾性湛然此乃得觀音無畏之力所謂刀尋段段壞者正謂是耳。玄菟禪師第三語其相應者心与空相應則幾毀讚喜何憂何喜身与空相應則刀割香塗河苦何樂

春日郎事

池北池南春水生桃花深處好閑行細思擾擾夢中事何用悠悠身後名

孫權語曹操春水方生公宜速去。王建詩池北池南草綠。張季鷹使我有身後名不如生

贈安太師

獨龍崗北第三峯逋客歸來老更慵敗室數椽青繚繞冷雲深處不聞鍾

北山移文請回俗士駕為君謝逋客。唐人詩重雲晦戶嶽微鼓辨溢城此言陰晦之久鼓聲總彷彿耳亦猶鍾聲為冷雲所隔而不之聞也

送李生白華巖修道

白華巖王是金僊假作山僧學道一作半禪珍重此
行吾不及為傳消息結因緣

白華巖在空谿即仙巖也巖王是為宝月禪師
熙豐間人居巖之絕頂持戒誦經猛獸馴伏客
至則遺去又能以慧眼知人善惡事李生名无
咎慕師之風棄儒從之介甫在金陵嘗遣人致
師師不出邑人朱荅叔之子日巖日邁為余言如此

寄道光大師

秋雨漫漫夜復朝可嗟部屋望重霄遙知宴坐無
餘念萬事都從劫火燒

豐上六豐其屋節其家
劫火見寄国清處謙注

示報寧長老

白下亭東鳴一牛山林陂港淨高秋新營棗域我
檀越曾悟布毛誰比丘

牛一鳴事出西域記。域一作域字書域木名
佛書云印度国造寺檀越名為寺主公嘗乞以
所居園屋為僧寺乞賜額劄子云臣幸遭災運
超拔等夷知獎眷憐速兼父子戴天負地感涕
難勝顧迫衰殘縻捐何補不勝蚊蟻微願以臣
分所居江寧府上元縣園屋為僧寺一所永遠
祝延聖壽如蒙矜許特賜名額庶昭希曠榮遇
一時仰憑威神誓報牙已公既捨宅為寺故云
我檀越。會通問烏窠如何是和尚佛法而
於身上拈起布毛吹之遂悟時謂布毛侍者

紅梨

紅梨無葉庇花身黃菊分香委路塵歲晚蒼官纔

自保日高青女尚橫陳

義山詩幾度木蘭花上望不知航是此花身，蒼官青女並見上注。復齋謾錄云荆公詩日高青女尚橫陳橫陳事見相如賦及楞嚴經青女者王霜雪之神也事見淮南子公以青女為霜於理未當始杜子美秋野詩云飛霜任青女乃為當理梁昭明博山香妙賦云青女司寒紅花繁景亦皆指為雪霜神矣復齋之說姑存之

鷓鴣

依倚秋風氣象豪似欺黃雀在蓬蒿不知羽翼青
冥上鷹隼相隨勢亦高

退之病鷓鴣詩晴日占光景高風送追隨遂凌紫鳳群肯顧鷓鴣卑。莊子螂蛆甘帶鷓鴣嗜鼠也今有司盜主財而食之焉得若泰山之鷓乎

淮南子亦有飛鷓鴣墮鷹隼事。詩意謂鷓鴣以喻小人不足道而又有所附之以顯者猶鷹隼之於鷓也

驢二首

力侔龍象或難堪屨比仙人亦未慙臨路長鳴有
真意盤山弟子久同參

摩經云譬如龍象躡跡非驢所堪是名住不思議解脫方便之門。大集經有驢唇仙人鎮州普化和尚承嗣盤山嘗振一鐸行化城市暮入臨濟院爨生菜臨濟曰遮漢大似一頭驢師便作驢鳴臨濟乃休普化曰臨濟小厮兒亦具一隻眼

其二

雖得康莊亦好還每逢溝澗便知難由來此物非
他物莫道何曾似仰山

柳子厚斗賦不如羸馱眼逐駑馬曲意隨勢不
擇處所不排不駕霍菴我自上騰踏康莊出入輕率
又答問云且夫白羲駑耳之得康莊也逐奔星
先飄風而破馱不出泥滓言於得意處不恐亦
知歛退也康莊大路○第二句謂無乘險僥倖
之心○大集經大梅法常禪師一日謂其徒曰
來莫可仰注莫可追從容復聞鼙鼓聲師曰即
此物非他物汝善護持吾今逝矣借問仰山和
尚何似
一頭馱

晚春

春殘葉密花枝少睡起茶多酒盞踈斜倚屏風搔
首坐蒲簟華髮一床書

刺客傳八尺屏風可超而越○王昌齡詩妾子
歡同數抹柳雲山老對一床書○陳去非詩八
尺屏風遮宴坐一簾細雨獨題詩疑傲公作也
○藝苑雌黃云僧惠洪冷齋夜話載介甫詩睡

四八

二二

起茶多酒盞踈多字當作親字山俗傳寫之誤
洪意蓋欲以少對密踈對親也予作荆南教官
與江朝宗匿者同僚偶論及此江云惠洪多妾
誕殊不曉古人詩格此一聯以密字對踈多字
對少正交限用之
所謂蹉對法也

樓上望湖

樓上人腸渴欲枯樓前終日望平湖無舟得入滄
浪去為問漁人得意無

杜詩肺枯渴大
甚飄泊公孫城

寄李道人

李主富漢亦貧兒人不知渠只我知跳過六輪中
耍峭養成三界外愚癡

道人即李士寧。梁州人。曾誌集仙傳。誤云資州人。六輪三界皆佛氏語。

憶江南

城南城北萬株花。池面冰消水見沙。回首江南春更好。夢為胡蝶亦還家。

韓詩江寧水見沙。令狐楚詩縱有還家夢猶聞出塞聲。來鵬詩分明記得還家夢。徐孺字前湖水東。

對碁呈道原

北風吹人不可出。清坐且可與君碁。明朝投局亦未晚。從此亦復不吟詩。

造次古。投博具見戲贈葉致遠。注言碁與詩之妨。李也。

謝微之見過

王偁字微之。

此身已是一枯株。所記交朋八九無。唯有微之來訪舊。天寒幾夕擁山爐。

公詩累有枯木之語。蓋晚而師瞿曇者也。

惜春

滿城風雨滿城塵。蓋紫藏紅謾惜春。春去自應無覓處。可憐多少惜花人。

唐崔櫓詩春意自知無主惜。小杜詩莫怪杏園憔悴去。滿城多少惜花人。

寄北山詳大師

一作和平。寄道光法師。

欲見道人非一朝。杖藜無路到青霄。千巖萬壑排

風雨想對銅爐栢子燒

晉顧愷之還荊州人問以會稽山川之狀愷之云千石競秀萬壑爭流中木蒙籠若雲與霞蔚東坡許銅栢子

子貢

一來齊境助奸臣去誤驕王亦苦辛魯國存亡宜有命區區翻覆亦何人信大於國身重於天下

奸臣謂齊田常也子貢雖說令無伐魯而其詞云臣聞憂在外者攻弱今君憂在內故曰不如伐吳如此吳助齊也為吳之計莫急於破越子貢乃謂夫差王昔不絕世伯者無強敵宜置越而伐齊又為吳東見越王令出師以從子貢去而之魯吳王果大破齊師於文陵以兵臨晉敗於黃池越遂乘間滅吳故詩祢誤也言國之廢與存亡自有天命乃飾詐設辭如儀秦之

為雖能存國不足進

王荆文公詩卷

四十八

王荆文公詩卷之四十九

鴈湖李

壁

箋註

須溪劉

辰翁

批點

律詩

仁宗皇帝挽詞四首

去序三朝聖行崩萬國天憂勤無曠古治洽最長
年仁育齊高厚哀思罄幅員欲知千載美道德冠

遺編

三朝謂太祖太宗真宗。杜子美玄元皇帝廟詩云九聖聯龍袞。列子天瑞篇祀國之人憂天地崩負身無所寄發寢食者。言勤勞無遺過於商宗曠古所未有。書畢命云道洽政治

澤闕生民。詩長發幅隕既長注幅廣也隕均也箋云隕當作負負謂周也公詩用鄭箋史稱遺制之下雖深山窮谷莫不奔走悲号而不絕豈非德澤涵養之至廟号曰仁不亦宜乎。仁宗御集一百卷如歌器後述述政化述寶訓要言亭觀文鑒古圖序皆列之卷首

其二

憑几微言絕群臣涕泗揮哀號三級陛縞素九重
圍天上仙遊遠宮中御座非最悲帷幄侍不復未
明衣

書顧命相被冕服憑玉几。前漢藝文志冲尼沒而微言絕。長安記含元殿前五階三級第一級可高二丈許第二級第三級各高五尺間以螭頭東西鱗次又賈誼傳故陛九級上廉遠地則堂高注級等也廉側隅也。圍字又作蘭禁闈之義天子有九門謂闕門遠郊門近郊門

城門皋門庫門雉門應門路門也九重據楚詞則九重
鬱陶而思君兮君之門以九重據楚詞則九重
謂九門也退之詩豈識天子居
九重鬱沉沉○漢昭未明末衣

其三

厭代人間世收神天上游遽然虛玉座不復望珠
旒待旦移巾幘養人改饕羞尋常飛白几寂寞暗
塵浮

莊子天地篇千歲厭世去而上仙乘彼白雲至
于帝鄉○柳子厚詩忽疑朝玉皇天晃垂前旒
選詩玉座猶寂寞○待旦對養人恐兩句上必
有一誤周禮內饗注饗割烹煎和之稱內臣昭
信掌內饗於十五年上嘗面戒曰動活之物不得
信烹深惡於殺也○魏公作哀丹文聖帚之博
千奇萬巧謂飛白也○歐公云仁宗萬機之戰無
所疏好唯親翰墨而飛白尤為神妙九飛之戰無

點畫象物形而點最難工至和中書符詔李
唐卿撰飛白三百點以進自謂窮其六點尤為
頗佳之乃特為清淨二字以賜之其六點尤為
奇絕又出三百點外○梁武帝謂蕭子雲曰蔡
邕飛而不白義之白而不飛飛
白之間在卿斟酌耳事見黃記

其四

同軌群方至因山七月催永遠天日表空有肺肝
摧帳殿流蘇卷鈴歌薤露哀宮中垂曉朝西去不
更回

總公元年天子七月而葬同軌畢注云同軌
以別四夷之國○文帝遺詔霸陵山川因其故
無有所改因山為藏不復起墳山下川流不絕
就其水名為陵號○李密見太宗曰龍鳳之姿
天日之表○後漢禮儀志大行載卓著白系參繆
流蘇暖○後漢禮儀志大行載卓著白系參繆

紼長三十丈六寸為輓六行行五十人公卿
以下子弟凡三百人校尉三人候司馬丞為行
首皆銜枝羽林孤兒巴俞摧歌者六十人為六
列鐸司馬八人執鐸先言挽者振鐸而歌其聲
哀也。蘇露歌見車載板注。離騷經朝發朝至
蒼梧兮夕余至于縣圃言宮車曉而發朝遂歸
也。

英宗皇帝挽詞二首

御氣方尊極乘雲已沈寥衣冠萬國會陵寢百神

朝夏鼎傳歸啓虞羹想見堯誰當授椽筆論德在

瓊瑤

莊子御六氣之辨氣疑為御宇緣下已有乘雲
又白紫天開成皇帝挽歌御宇既皇化傳家叶
至公。乘彼白雲見前篇。王維詩万国衣冠
拜紫宸又退之太后挽詩追攀萬國來警衛百

兗

三

神陪。鼎謂禹鑄九鼎史記帝禹東巡狩至于
會稽而崩以天下授益三年之喪畢益諫帝禹
之子啓而辟居箕山之陽禹子啓賢天下屬意
焉及禹崩雖授益益之佐禹日淺天下未治故
諸侯皆去益而朝啓曰吾君帝禹之子也於是
啓遂即天子之位此言嗣聖歷數所歸如啓也
後漢李固傳舜坐見堯於墻食見堯於
羹言聖情追慕之切如舜之於堯也

其二

玉冊上鴻名猶殘警蹕聲忽辭千歲祝虛卜五年
征羽衛悲哀送山陵指顧成謳歌歸聖子世孝在
持盈

按治平四年正月庚戌朔宰臣韓琦等上尊号
曰朕乾膺歷文武聖孝皇帝至初八日上仙故
云猶殘警蹕声盖紀事实也。祝聖人壽詳見
上注。左氏襄公十三年石葵言於子襄曰先

王卜征五年而歲習其洋注征謂巡守也
孫奭諫書陛下始畢東封更議西幸殆非先王
一征五年謹重之意○退之豐陵行羽衛煌煌
之役不里曉出都門葬天子○陝西之民拱皇陵
寧不能如是歐陽文忠公曰韓子華曰非上旨丁
志天不制不以朕為不孝○漢文紀注顧成朝
應劭注言制度卑狹若顧望而成猶靈臺不日
成之故曰顧成○公雖有持
盈之句而素論乃主變法

神宗皇帝挽詞二首

將聖由天縱成能與鬼謀聰明初四達雋又盡旁
求十字人則以為當日倚任意第初字不滿在今一變前

無古三登歲有秋謳歌歸子啓欽念禹功修

元豐八年乙丑神宗外遐明年元祐改元公亦
薨進此詩時公為集禧觀使蓋自熙寧十年至

是聖居適九年矣○語子罕天縱之將聖○易
天地設位聖人成能人謀鬼謀百姓與能○舜
典達四聰○書序旁求儒雅說命旁招俊乂列
于庶位又聿求元聖與之勳力言神考初御極
勳精為治欲追三代之神也○公亦以自與○語
魯一變至於道此言神考之變法高出百王也
○前漢食貨志民三年耕則餘一年之蓄餘三
年食進業曰登再登曰平餘六年食三登曰太
平二七歲餘九年食然後至德流洽禮樂成
焉故曰如有王者必世而後仁錄此道也○盤
庚若農服田力穡乃亦有秋
末句啓後來紹述之張本

其二

城闕宮車轉山林隧路歸蒼梧雲未遠姑射露先
晞玉暗蛟龍蟄金寒鴈鷺飛尋常對偶而有老臣
以為極下者
他日淚湖海想遺衣此老佛心腸
無甚情事

言自城闕而歸山林亦古詩華屋山丘之意
左氏重耳請隧襄王曰王章也注闕地通路曰
隧○舜葬於蒼梧之野雲則乘波白雲之意蒼
梧姑射皆指陵闕也○杜詩回首叫虞舜蒼梧
雲正愁○西京雜記曰漢帝及諸侯王葬皆珠
襦玉匣形如鎧甲連以金縷匣上皆鏤為蛟龍
鳳凰龜鱗之象時謂蛟龍玉匣○玉暗亦言歲
久玉色故暗也○易龍蛇之蟄以存身也又杜
詩蛟龍欲蟄寒沙水○昭公四年金寒珠離○
拾遺錄曰南之南有滄泉時有鳧鴈色如金玉
群飛盛於沙瀨羅者得之乃真金鳧也昔破鄼
山之噴行野者見金鳧向南而飛至寶鼎元年
張善為日南太守郡民有見金鳧以貢善博
識多通考其年月即是秦皇墓基金鳧也○即如
此非佳語○劉向傳諫厚葬疏水銀為江海黃
金為帶鴈○遺衣如皇帝昇天遺弓劍之類

太皇太后挽詞二首

國賴姜任盛門歸馬鄧高關雎求窈窕卷耳念勤

四九

五

勞不可動 聖淑才難擬 休明運繼遭 岡原今獻卜

維袞正攀號

慈聖光獻仁宗曹后也元豐三年庚申十月二
十日上仙明年三月山陵詔百官各進挽詞二
首公時奉祠里居進此○後漢明帝明德馬后
和熹劉心○詩厥初生民時維姜嫄后稷母也
大明詩太任有身主此文王后祖父贈唐王彬
父比尚書虞部員外郎故云門高○關雎窈窕
淑女寤寐求之○郭氏既退上聘后入宮詔平
章事李迪參知政事王隨持節授冊立為皇后
妙思而入故云求也○卷耳知臣下之勤勞內
有進賢之志公詩義云卷耳知臣下之勤勞內
不得預闕外之事而其所以輔佐君子思相與
濟大業者乃其志也惟有心則其於險詖私
謂敗德亂政之事遠矣公意蓋謂可以有其志
不可有共爭也是時臣僚如吳丞相冲卿從臣
元絳王存鄧潤父何洵直皆進詞傳於中外或
謂公關雎卷耳之句固美矣然止后如事而已

此可謂繆論詩固當惣論平生之美何嫌言后
妃事耶况後篇又用啓母文母事○聖淑休明
謂定儲嘉祐復辟治平又神曆御製詞亦云燕
翼功參元安榮世歷三也時高太后向太后皆
侍國史稱后才高慮深至和嘉祐中仁宗數得
疾或至危殆不知人天下憂恐賴后扶持卒無
事治平熙寧時陰功隱德著於天下外遐之日
四海想慕老目宿將尤哀不自勝○英宗感疾
后垂簾所政二府每於前殿奏事罷詣小殿奏
太后右意有疑其未盡者則曰公等更議之再
奏尽善乃可未嘗自出已意事涉曹氏及內臣
者天絲毫優假中外章奏下二府者日不減五
十通二府一考會擬議近者數日遠者旬月然後
進呈后一記率大意無所忘失富弼時為樞
密使退謂副使吳奎曰君名強記能如是乎奎
曰奎於經史誦之五十過則終身不忘至於公
文叢委一覽而記之非所及也后博覽經史往
往成誦每議政事多引以為證觀此可見后之
才東坡所謂高出
古人之右信矣

四

六

其二

塗山女德茂京室母才難具美多前志餘光永後
觀遺衣遷館御祖載出宮取終始神孫孝長留萬
國歡

塗山啓母也漢外戚傳自古受命帝王及繼統
守文之君非獨內德茂也蓋亦有外戚之助焉
○周頌思齊思媚周姜京室之婦注京室王室
也○周語才難不其然乎唐虞之際於斯為盛有
婦人焉九人而已注謂文母○后待裕陵慈愛
入至上御朝退稍晚后以自至昇袞候之或自
持飲食以食上始終十餘年外廷不盡知在仁
宗時英宗方四歲仁宗命后鞠養後雖出外即問
賜不絕宣仁聖烈皇后深愛之甥也亦四歲與英
宗同時鞠於后所后深愛之仁宗謂后他日必
以歸英宗后許諾仁宗深愛之仁宗謂后他日必
天下心右居中佐决大策遂以英宗為子入

居慶寧宮后侍之恩意尤密貞祐未仁宗中夜
暴得疾崩后令左右毋得輒動欽諸門鑰悉置
於前乃發喪授衛士甲宿衛畢召皇子入左右
請帝即位后曰不可須宰相至乃召韓琦等及
先帝所立於琦奉英宗即位尊后為皇太后
○韓文純云具美而不永年又善并美具○神
廟御製云軒輝雖掩此風教自存南○蔡邕傳
恒思皇后祖載之時東郡有盜人妻者亡在孝
子中陸上衡詩死生各異倫祖載當有時汪祖
始也謂移柩車為引之始○神宗即位易后宮名
天下故得萬國之歡心○神宗即位易后宮名
在宮中從后行必扶掖視膳定省唯謹元豐元
年正月望夜右以齒疾不御樓觀灯開月望夜
上於禁中為右再張灯靈臺妓樂俱入后嘗幸
余明池上隊為百寶酒缸其日馳以上壽嘗得
水疾御醫不能愈會樞密院檢詳官薛昌朝入
病右亦愈上大喜除奉翰林醫官賜金紫服賞

四九

七

資甚厚故事外家男子未嘗得入謁后既高年
多疾后亦老上常為后言宜數召見以自慰憐
后輒不許請迂后官亦不許一日后因侍上從
容上固為之請得入謁后乃許之一日后自與
至右閣坐少頃上先起后乃隨上出上既除后
謂后曰此非若所當留也起隨上出上既除后
喪每朝謁景靈哀慟左右間召后子出上既除
御前行家人禮六年正月當朝謁諫官趙彥若
言竊見聖情思慕猶如前時公卿侍臣无不側
楚夢壽亦除歲月漸遠而少陽用事生氣尚微
若孝思發中或復感動慮於時令有所未順欲
望抑忍聖意奉承天時上雖嘉其言及朝享哀
慕如初右國史並載可見裕陵始終孝愛之盡
范忠宣作光獻挽詞亦云聖主孝思形四海千
秋萬歲詠然哉

吳正肅公挽詞三首

昔繼吳公治今從子產游里門無舊客鄉國有新

丘謀讓禪謀遠文歸賈誼優此時辜怨寵西望

空流

公名育嘗奉賢良終河南守吳公治平為天下第一
時公知奉。漢河南守吳公治平為天下第一
遺愛也。歐公作吳墓誌云吳氏世為建安人
自曾高以來皆葬建州之浦城至公始葬其宅
考于新鄭公從葬焉若言鄉國當謂建州今願
指新鄭蓋正肅已。親於鄭矣。喪公三十年
禪謀能謀詩於野則獲諫於邑則否。公天聖
中試禮部為第一遂中甲科
時年尚少。怨寵事未詳

其二

從容邊塞議慷慨廟堂爭曲突非無驗方穿有不
行朝廷播一作紳終倚賴賻極哀榮豈愧一作慕公孫

相平生慕

一作董生

元昊初叛公獨言夷狄不識禮義宜勿與校計
其所求彼得無則以動然後飭邊備以待之時
方銳意攻討不以為然卒如公策。公嘗與賈
丞相爭事上前殿中人皆失色公論辨不已既
而曰臣所爭者職也。願力不能勝願得罷去時
為參知政事公在政府又嘗論駁魚周詢乞因
災異方試賢良事。程光傳今論功而請賞曲
突徙薪亡恩澤。然額為上客。史記淳于
髡曰稀膏棘軸所以為滑也而不能運方空。
公始自樞府出連典數州後卒召還判都省除
宣徽使帥郵延改河中。轅固言公孫子務正
宰以言無曲李以阿世此言公以直道卒不至
相宰

其三

應世文章手宜民政事才朝多側目忌士有拊心

哀書蠹平生簡香寒後夜灰悠悠國西路空得葬

車回

公為政簡嚴所至民樂其不擾去雖久愈思之
知衮城縣宗室宦官注來上冢不敢犯治開封
尤先豪猾曰吾何有以及斯人夫其為害者而
已○仁宗嘗語輔臣吳育剛正可用但嫉惡大
過耳觀此且為小人所忌也○以黠傳令天下測
目而視矣○古詩苦哉遠征人拊心悲如何○
吳葬
鄭州

賈魏公挽詞二首

功名烜赫在三朝經術從容輔漢條儒服早紆丞
相紱戎冠再挿侍中貂開倉六塔流民復出甲甘
陵叛黨銷東第祗今空畫像當時於此識風標

四元

九

昌朝字子明益文元○文元天禧元年以文章
召試賜同進士出身以經術大显於仁宗時宰
於英宗自樞密使拜集賢相兩月外昭文相○我
五年謂帶節鉞也文元皇祐元年以檢校大師兼
冠中判鄭州嘉祐元年判大名時又進封許國
公兼侍中方辭未听而以樞密使召卒罷侍中
乃帶平章事兼樞密使三年以鎮安節右僕射
檢校大師兼侍中充景靈宮使至治平元年求
還侍中至六七不許今云再拜蓋一次除而不
拜也○文元晦叔奏疏云臣伏見正侍中自國朝
以來罕曾除授如賈昌朝文彦博輩皆以節度
使樞密使兼領至於真拜則自范質趙普後惟
丁謂馮拯韓琦以受遺宰相故有殊命今來富
彌已當大任欲乞因其固辭與免兼侍中遂其
謙守○六塔河名也公為大名河決高胡出倉
稟与被水百姓舍其流棄接以醫藥所活九十
餘萬口○甘陵貝州中公安撫河北王則反貝
州亟命部將王信流元却質待兵操攻其隄比
請自出搏賊不許終賊所破功居多○司馬

相如傳居列東第師古曰東第甲宅也居帝城之東故曰東第

其二

銘旌蕭颯九秋風
薤露悲歌落月中
華屋幾人思
謝傳佳城今日閉
滕公名垂竹帛書
勲在神寄冊
青窰象同天上
貂蟬曾夢賜
歸魂應侍紫陽宮

華屋用羊曇事○西京雜記滕公得石擲銘曰佳城鬱鬱三千年見白日吁嗟滕公居此室○說命篇乃審厥象○吳曾漫錄賈文元公母史夫人方妊娠父注夢使者持大筭奉貂蟬紫綬王簡揖令受賜既寤告史曰若生子必為宋輔也○唐張貴詩酒後只留滄海客香前惟見寒陽君又李涉黃葵詩好逐秋風天上去紫陽宮女要頭冠

晏元獻公挽詞三首一

文章晉康樂
經術漢公孫
舊秩疑丞貴
前功保傳
尊傳呼猶在耳
會哭已填門
蕭瑟城南路
鳴笳上九原

殊字同收○此之謝靈運公孫洪與曾子固作公類要序皆有微意○公薨時階已儀同三司先雖遷尚書左丞恐非指此蓋前承後疑在古皆宰相也○前功必謂公在仁宗為儲副時居保傳之任也初公任館職真宗嘗諭大臣近聞館閣臣僚无不嬉游宴賞性殊杜門與兄弟讀書如此謹厚正可為東宮官後卒相仁宗實基於此○九原出檀弓公葬陽翟○柳子厚書排戶門填

其二

終賈年方妙蕭曹地已親優將大平日密勿老成人抗論辭多祕賈歌迹已陳功名千載下不負漢廷臣

杜詩危聖登黃閣明公独妙年蕭曹言故人也終賈謂公以童子被遇為官官公既左右東宮真宗所咨訪多以方寸小紙細書問之由是參預機密凡所對必以其稟進示不洩其後悉閱真宗閣中遺書得公所進藁類為八十卷藏之禁中人莫之見也○賈道傳漢廷臣无出其

右

其三

感會真奇遇飛揚獨妙齡他年西餞日此夜上騎星宿惠留藩屏餘忠在禁廷音容無處所鬢髮寄

况

十一

丹青

書寅餞納日平狄西成○騎星謂送真雷山陵也傳說事見莊子楚詞亦云奇傳說之託星辰兮美韓衆之得一○公嘗為應天府領陳許州知永具軍洪河南府皆有惠政○公喜薦士其得人最多范忠文挽公詞亦云平生功報國所得是知人而公詩乃不及此

韓忠獻挽詞二首

心期自與衆人殊骨相知非淺丈夫獨幹斗杓環帝座親扶日轂上天衢鋤穰萬里山無盜衮繡三朝國有標爽氣忽隨秋露盡護憑陳迹在龜趺

琦字稚圭○南史向柳傳柳与顏峻友善及峻貴外猶以素情自許不推先之范瑒戒柳曰名位不同礼亦異數卿何得作晨時意耶柳曰我与士遜心期久矣豈可一旦以勢利及之及柳

涉義宣事繫獄。竟不助之。柳遂伏法。公為相十年。雖有同相者。而大事多公專之。故云。獨為英宗。英宗春秋高。繼嗣未立。公乞立皇子。是乃立穎王為皇太子。時治平三年十二月也。神宗旌即尊位。高君傳山。无盜賊。三朝謂相。仁宗英宗神宗。唐君傳山。无盜賊。三朝謂龜跌螭首。高九尺七品。為弼方。跌。螭首。其高四也。尺。

其二

兩朝身與國安危。典策良榮此一時。木稼曾聞達官怕。山頽果見哲人萎。英姿爽氣歸圖畫。茂德元勳在鼎彝。幕府少年今白髮。傷心無路送靈輅。

甚悲謂有憾非也

忠

十一

公與魏公啓云。英宗以良政荒。迷慈聖。以謙冲退。託內陔。百官之衆。外當万事之微。國无危疑。人以靜一。周勃霍光之於漢。能定策而終。以致疑。姚崇宋璟之於唐。善致理而未嘗遭變。記在旧史。号為元功。未有独運。富堂再安。社稷彌亮。三此救寧。四方岌然。在諸公之先。煥乎如今日之懿。舊唐書。議。皇帝傳云。開元二十九年。京城寒甚。嚴霜。月樹時。李者以為春秋。兩木冰。即此是。亦名樹介。言其象介。青也。憲見而嘆曰。此俗所謂樹稼者也。諺曰。樹稼。連官怕。必有大臣當之。吾其死矣。十一月薨。元豐初。雨木水。又華山崩。故推以五。公薨之。應介。父最不。劉向諸儒。洪範傳。傳會。災異之說。獨此推之。於事云。云。英宗。不隨。鍾湍。盡高名。長。與日星。垂。幕府少年事。見入。公步望。揚州注。陸士衡詩。舍爵。兩。總位。啓。瓊。進。靈。輅。王。莽。造。董。蓋。卓。百。官。竊。言。此。以。輅。車。非。仙。物。也。褚。彥。回。傳。先。是。庶。姓。三。公。輅。車。未。有。定。格。王。儉。議。官。品。第。一。皆。加。障。絡。自。孝。回。始。王。禹。工。作。公。坤。詩。亦。云。淮。南。別。乘。人。空。

老猶憶當
時醉吐茵

故相吳正憲公挽詞

丙魏雖遭漢道昌，豈如公出值虞唐。秀鍾舊國山川氣，榮附中天日月光。更化事功參鼎鬯，變贊元時序得金。讓傷心鼓吹城南陌，回首新阡柏一行。

不滿耳

公名亮，參政育之弟，建安人。蓋閩產也。或言秀鍾舊國之語，意若譏吳中。吳亦法時太用。故云參而變，介於吳最厚。介父罷吳始相，陰欲有所變更，稍進介父所好，逐之人韓維、呂公著、等。介父此語，似言其初未嘗不同也。○易革卦，大人夙夜，變未占，有孚，象更革之義。○金襴，見天官書，不化，道傳故，歲在，金襴水，改木，饑，火，旱，早則資舟，水則資車，物之理也。○表子正書，歲

在申酉乞漿得酒中，
區金亦謂金襴。

王忠文公詩卷之四十九

王荆文公詩卷之五十

鴈湖李

壁

箋註

須溪劉

辰翁

批點

律詩

孫威敏公挽詞

功名一世事興廢豈人謀起得重為蒼生起終隨

逝水流淒涼歸部曲零落掩山丘許國言猶在姦

諛可使羞

一汚字元規。言七之立功名休戚關於天下非
間參政王堯臣死帝欲召公而未果樞密使田
况病帝又屬意公言者遂力攻公守抗及并所

為多不法卒由此謫。汚三知慶州邊人伏其
能後又安撫廣南助狄青平儂寇英宗初數與
執政議守邊者難其人歐陽公言慶曆罷兵以
來當時更事舊人惟孫沔在雖中以罪廢然棄
瑕使過正是用人之術乃以資政觀文再起帥
西陲旋卒。鮑昭詩將軍既下出部曲亦罕存
曹子建詩零落歸山丘。沔會稽人景祐初為
御史坐言事連年旋擢諫官益有直名後為陝
西轉運使上書斥呂夷簡多忌不用正人先出
鎮許昌乃薦王隨陳堯佐代已專引不若已者
為自固之計欲使陛下知輔相之位非已不可
冀復思已而見用也今其求罷若復不救前過
是張禹不獨生於漢李林甫復見
於今帝不之罪議者以為蹇切

崇禧給事馬兄挽詞二首

慶曆公偕起元豐我獨傷兩楹終昔夢五鼎繼前
喪薰歇曾攀桂甘留所慙棠好素風知不墜能世

有諸郎

給事名中甫廬江人晚知通進銀臺司提舉江
寧府崇禧觀銀臺主封駁後改為給事中。馬
與公為同年卒於元豐三年冬。檀弓夢坐奠
於兩楹之間。孟子之後喪踰前喪前以三鼎
而後以五鼎於士祭三鼎大夫祭五鼎。樂天
賀座主拜太常詩共仰曾學外年深挂尚薰。
詩甘棠蔽芾甘棠勿剪勿敗召伯所憩。馬為
登封縣募民鑿轆轤為通塗將漕淮南言願江
諸州民有米而無官糶若移采頻江則穀售不
至傷農而真揚以北無墜賁之患徙江淮發渾
使自洪澤鑿渠六十里以避長淮漕運之險凡
此皆惠政也。君之子玳瑁瑤瑤皆未聞顯
者城仕
差遂

其二

藏室亡三篋得之公最多露晞當晚景川逝作前

五一卷

波惠寄輿人誦悲傳挽者歌竹西携手處漬洒

邈山河

漢張安世傳上行幸河東嘗亡書三篋詔問莫
能知惟安世識之具列其事按馬未嘗為館習
然父亮事仁英朝為名臣意中南必諳知朝章
國典故用安世事以比之。輿人誦用子產事
見左傳襄公二十九年。百陽雜俎云田橫死
從者不敢哭為歌以寄哀摯虞新禮議挽歌出
於漢武帝役人勞苦歌聲哀切遂以送終非古
制也工部郎中嚴厚本云挽歌其來尚矣據左
傳公會吳子伐齊將戰公孫夏卿命其徒歌虞
殯示必死也。馬嘗一再知揚州公必嘗與相
會故云竹西也。杜牧詩斜陽竹西路歌吹是揚
州。績洒邈山河疑你漬酒謝承書言徐穉為
諸公所辟雖不就有死喪負笈赴弔常於家豫
炙雞一隻以兩綿絮漬酒中暴乾以裹雞徑
到所起冢隊外以水漬綿使有酒氣斗米飯白
茅為藉以雞置前醢酒畢留謁而去不覺喪日

公此詩意蓋言道遠不能往也

陳動之秘丞挽詞一首

年高漢賈誼官過楚荀卿望古君無憾論今我未

平甚頓挫抑有風吹畫翳無日照佳城空復文章

在流傳世上名

賈生沒時年三十三荀卿趙人仕齊三為祭酒仕楚為蘭陵令卒葬蘭陵故係之楚。比君荀賈亦可無憾耳若眎世之庸庸躡居顯重以君之才顧僅止此則不能不使人之不平也

其二

人間三十六追逐孔鸞飛似欲來為瑞好如何去
不歸琴樽已寂寞筆墨尚光輝空復平生友西華

豈易依

三十六謂動之所得之年以前篇年高漢賈誼之句考之即可見。唐書人瑞有鄭七表。劉峻見任昉諸子西華兄弟等流雖不振平生舊友莫有收恤西華冬月著葛帔練裙路逢峻峻法然矜之乃廣朱公叔絕交論到激見其論抵几於地終身恨之公用此事必有所指

贈尚書工部侍郎鄭公挽詞

地蟠江漢久知靈通德門中見老成南去伏波推
將略北來光祿擅詩名密章贈襚連三組畫翳喪
車載一旌陰德故應多後福可能生子但升鄉

苕溪胡仔云鄭兵部仲賢工部文寶不知其果一入耶果二人耶趙清父云按國史鄭文寶字仲賢此當是指文寶也。左大中蜀都賦近則江漢炳靈世載其英。鄭康成通德門。馬援

為伏波將軍。○小杜寄宣州鄭諫議詩五言寧
謝顏光祿百歲。○齊衛武公嚴武詩可以步兵
偏愛酒也。○知光祿最能詩。○光祿謂謝莊顏延年
皆為光祿。○劉禹錫為杜司空。○後謝追贈表紫書
忽降於九重。○密印加榮於厚夜。○印即章也。○權載
之渾藏墓銘亦曰。○祿印易名以尊。○以飾又王定
神道碑銘云。○密印金貂。○祿于墓門。○王崇術神
道碑銘云。○沒代流慶。○密章下賁。○李國真神道
碑銘曰。○煌煌密章。○肅肅絲言。○杜牧上周相公
書揚僕三組垂腰。○蘇秦六印在手。○揚僕傳懷銀
黃垂三組。○師古曰。○銀銀印也。○金金印也。○時僕為
主爵都尉。○又為樓船將軍。○片封梁侯。○故云三組
○問曰。○翼者車節也。○檀弓下曰。○周人唐置翼。○董勛吞
曰。○銘明旌也。○以死者為不可別。○故以其旗識之。
○後漢虞詡上疏。○薦議郎左雄曰。○今公卿類多
拱默。○以樹恩為賢。○盡節為愚。○至相戒曰。○白壁不
可為容。○容多後福。○虞詡祖父經曰。○吾決獄六
十年矣。○雖不及于公。○其庶幾乎子
孫何必不為九卿。○故詡字昇卿

五二卷

致仕虞部曲江譚君挽詞

同時獻賦之無人。握手悲歡迹已陳。他日白衣霄

漢志暮年朱紱水雲身。虛容劔几今長夜。小隱山

林祇舊春。豈惜埋辭追往事。齒衰才盡獨傷神。

李端贈康洽詩同時獻賦人皆盡其璧。題詩君
獨存。○蘭亭序。○俯仰之間。○已為陳迹。○杜詩。○空
餘棟梁。○具無復霄漢志。○杜牧詩。○水雲蹤迹去
悠悠。○虛容若平生之儀也。○宋鮑昭。○嵩里歌
虛容遺劔佩。○美兒戢衣巾。○退之王適。○銘鑽石
埋辭以列幽墟。○未句用江淹事。

馬玘大夫挽詞

冠蓋青門道。知君自少時。從容他日喜。奄忽暮年

悲。江月明丹旄。湖風冷總帷。音容雖可想。材力竟

何旌

漢長安有青門取以為比。○小杜祭周公文想
像音容思惟恩紀。○公有祭祀文稱其劇劇撥
煩為時能吏

蘇才翁挽詞二首

空餘一丹旌無復兩朱輪寂寞蒜山渡陂陀京口
原音容歸繪畫才業付兒孫尚有故人淚滄江相

與翻

按才翁名舜元祖易簡參知政事父耆終工部
郎中直史館娶王文正公之女生三子皆有才
名而才翁最長七歲能為歌詩文正公愛且奇
之奏授同李究出身時詔復唐進士科而新令
門選者不得為焉君乞還所官應詔不得報
乃上所著文章召李士院試賜進士出身後侵

五米

五

顯以弟舜欽謫死湖州求江吳二郡平居譚辨
唐數百年間喜稱魏鄭公諫爭裴晉公德業李
應淮將兵衛公處邊事劉忠州通流財利韓退
之文章類此數人而已其議當世人物亦以之
為標的於人少所稱許至有同班列借出入漫
不肖託以是予者益少然官當事定慮果決
所至制束強黠敦尚風儀其為文不迹故陳自
為高古雖所不為者亦不能掩也。○退之祭嫂
文水浮陸走舟旌翻然。○韓詩
云慷慨為悲吟侯如九河翻

其二

翰墨隨談笑風流在弟兄浮名同逆旅壯志負平
生使節何年去喪車故老迎悠悠京口外落日照
銘旌

張耒明道雜誌稱才翁之詩與翰墨比皆過于美
而世人盡知也范公希文嘗為才翁作黃素

小楷伯夷頌書尾云書札亦要切瑳未是處無
惜見數時皇祐三年才翁以度支郎中為京西
轉運使范公為青社才翁又有詩謝范公及路
公題跋云三文競耀高逾麗化筆交揮老更閑

王中甫學士挽詞

同學金陵最少年奏書曾用牘三千盛名非復居
人後壯歲如何棄我先種橘園林無舊業採蘋洲
渚有新篇蒜山東路春風綠埋沒誰知太守阡

王介衢州人嘉祐六年與二蘇同中制科○齊
東昏侯明帝子帝嘗戒曰作事不可在人後○貴
充謂吏純君行嘗居人前今何以在後三千牘
見史記東方朔傳中甫仁宗時以制策登科故
詩有牘三千盛名之句東坡亦嘗為作挽詩遺
其子沈之○種橘用李衡事○劉長卿送李中甫
詩罷歸無舊業老去悲明時○據諸人多言介
心疾故公前詩戲以白蘋洲渚正滄海○之句今

又及蘋洲事疑猶前意劉貢父在試院因爭畜
字與介忤後與歐公書云某愚鷺孤蹇前在試
院不幸與小人共事論議之間為所詬辱既素
知其心病狂易鄙與包含隱忍未嘗酬對據此
則介之心疾
似有之矣

王逢原挽詞

蒿里竟何在死生從此分謾傳仙掌籍誰見鬼修
文蔡琰能傳業侯芭為起墳傷心北風路吹淚濕
江雲

逢原名令廣陵人累見前注公嘗銘其墓○神
仙傳拾遺木公亦云東王父亦云東王公亦號
玉皇君真僚仙官巨億方計各有所職皆稟其
命而朝奉翼衛故男子得道者名籍隸焉○白
樂天詩但恐長生須有籍仙臺試為檢名看○
韓詩中即有女能傳業前道無兒可保家中郎

謂祭筮琰其女也言逢原無子僅有女○揚雄傳雄天鳳九年卒侯苞為起墳喪之三奇○令葬常州武進縣○見修文真誥小商等為地下修文郎

葛興祖挽詞

憶隨諸彦附青雲
場屋聲名看出群
孫寶暮年猶主簿
卜商今日更修文
山川凜凜平生氣
草木蕭蕭數尺墳
欲寫此哀終不盡
但令千載少知君

以祖名良嗣年四十餘始以進士出仕州縣餘十年窮於無所遇以死公嘗銘其墓云○與祖當天聖嘉祐間兄弟皆以文有聲赫必屢試進士角出其上○孫寶傳御史大夫張忠嘗主簿從舍祭竈請比鄰忠使所親問今兩府高士俗不為主簿子既為之洗舍甚說何前後不相見也注○介甫誌與祖墓追悼甚切

王子直挽詞

多才自合至公鄉
豈料青衫困一生
太史有書能叙事
子雲於世不徼名
丘墳慘淡箕山綠
門巷蕭條頽水清
握手笑言如昨日
白頭東望一傷情

劉貢父作子直哀詞亦云神峻清而骨單吾固亦以君為疑然則王之不為公卿亦自其骨相屯耳○曾子固序吾友王氏兄弟曰回深父曰向子直曰罔容季皆善屬文長於叙事深父尤深而子直容季蓋能稱其兄也○司馬遷傳自劉向揚雄博極群書皆稱迂有良史才服其善叙事理辨而不華質而不俚○揚雄傳不及於富貴不戚於貧賤不脩廉隅以徼名當世

孫適挽詞

喪車上新龍哀挽轉空山
名與碑長在魂隨帛奠

還無兒漫黃卷有母亦朱顏俛仰平生事相看一

夢間

身南豐嘗為適書墓見本集。檀弓重主道也。注始死未作主以重主其神也。今人始死結帛為之謂之魂帛亦主道也。

颯士葛君挽詞

楚人黃歇地晉代葛洪家獨特擅山川秀相承

識冕華猗君有清尚於世不雄誇令子能傳業流

光未可涯

據春申君所都乃故吳國即無錫惠山上有春申君廟疑此地近之或言黃州十五里許有永安城圖經以為春申君故城非也。晉書葛洪丹陽句容人丹陽與無錫接近據此則黃州圖

經之誤甚明。據洪祖係吳大鶴臚父偉。晉郡陵太守洪位散騎常侍領大著作。

追傷河中使君修撰陸公三首

文采機雲後知名實妙年銀鈎工壯麗金莖富清

妍批鳳多新貴凭熊數外遷空令猗氏監遺愛有

良田

陸公名經字子敬。韓詩臨風一揮手金莖垂。琳瑯謂文彩也非字。登之謂。中書謂之鳳批。未見批字出。李藩為給事中制有不便就勅。尾批却之給事屬門下省不應言批鳳也。據齊高帝使江夏王季鳳尾一字便工帝以玉璽麟。寫之蓋諸侯牒奏皆批曰諾。字有年若駟馬。曾經觸蠶尾。猶得凭熊軒。九域志河中府猗氏。氏以猗頓所居。因為猗氏。

其二

皖城初得故人詩歎息龍媒跼壯時太史滯留終
不偶中郎制作遂無施二千石祿今何存四十車
書昔謾知海曲冷雲埋拱木延州空掛暮年悲

言得詩未久陸已亡儲光義詩君門峻且深
足空夷猶○大史公留滯周南不許與從事中
郎制作謂蔡邕也邕為漢史以被誅竟不就○
劉夢得詩謾讀周書四十年年年為郡老天涯
又醉酒一千日貯書三十年爾何知中壽爾墓之
三十車○信公三十二年爾何知中壽爾墓之
木拱矣注云合手曰拱言其過老不可用○李
白詩獨掛延陵劍千秋在古墳又悲來欲脫劍
掛向何枝好

其三

五一

九

前旌一幅粉書銘行路知君亦涕零遂失詞人空
甫里謾留悲鶴老華亭主張壽祿無三甲收拾文
章有六丁歸歟僊龕應不遠新墳東見海山青

甫里謂龜蒙也華亭士衡也皆陸氏事○管輅
言吾額上無生眉眼中無守精鼻無樑柱脚無
天根背無三甲牌無三壬皆不壽之驗樂天哭
皇甫七詩多木非福祿薄命是聰明亦此意○
退之詩平生不為篇金薤垂琳琅仙官勅六丁
雷電下取將異人記上元中道士王遠知善易
知人死生禍福作易揲十五卷於是上帝命吾攝
風霧中一老人叱曰所泄者何在上帝命吾攝
六丁雷電追取遠知惶懼據地旁有六丁人青
衣已捧書去矣○詩話云嘉祐初王文公陸子
履同在書林曰者王生一日見兩公言介甫自
此十五年出將入相願子履曰陸季士無背仕
宦齟齬多難且壽不滿六十官不至侍從皆如
其言子履死家人夢云帝命同宋次道修官制

凡吾平生所著職官書可盡焚之未幾朝廷果
修官制焉。○白公詩近有人從海上回海山深
處見樓臺中有仙龕虛
一室多傳此待樂天來

悼慧休

休公遂不起難料復難忘玉骨隨薪盡空留一分
香

古詩易知復難忘。○觀音
經一分奉多寶佛塔

求壽縣大君周氏挽詞二首

求壽開新邑長沙返舊榮金葩冷鈿軸粉字暗銘
旌薤久露難濕蘭餘風尚清慶鍾知有在令子合
外卿

周氏鄧忠臣母也。○
升卿謂真卿見上注

其二

子引金閨籍身開石窳封靈輶悲吉路象服儼虛
容楚挽雖多相萊衣不更縫誰知逝川底劔自喜
相從

選詩繆通金閨籍成二年辟司徒之妻齊侯与
之石窳。○詩君子偕老云象服是宜箋云象服
謂揄翟闕翟也。○萊衣老萊子戲綵之服。
退之集挽歌云風飛終不返劔化會相從

淵師示寂

寄託荒山鬼與鄰一生黃卷不離身百年薪盡隨
緣去莫學緇郎更悞人

公自題云殊勝淵師八十一餘因見訪問之近來
如何答曰隨緣而已至示寂依是詩。禮牧之
詩竄逐空山与死同。參同契委時去。宮依託
丘山循游寥廓与鬼為鄰。化形而仙淪寂無声
○黃卷謂經卷。薪尽已見上注。○唐書崔胤
傳胤父慎由晚無子遇浮圖以術求乃生胤字
繼郎及為相其季父藩皓曰吾父兄
刻苦以持門戶終為繼郎壞之

弔王先生致

處士生涯水一瓢行年七十更蕭條老妻稻下收
遺秉稚子松間拾墮樵雖有聲名高後世且無饅
粥亦今朝窮竟散漫知何處甬水東西不可招

詩小雅大田彼有遺秉此有滯穗注秉把也。
史記越遷吳王夫差於甬東賈逵注甬東越東
鄒甬江東也。韋昭曰勾章縣東夾口外洲也。據
此則王君必越州人。○劉得仁弔人詩君苦為
詩身到此水窟
空斷已難招

哭張唐公

堂一作崇邑山林久寂寥屬車前日駐雞翅冥冥獨

鳳隨雲霧一作知南陌空聞引葬簫

前漢周勃常以吹簫給葬。五韋應物五弦行獨
吟寒。有時隱碧霄來下聽還近。

宋中道挽詞

文史傳家學聲名動帝除蘭臺空作賦金匱不銜
書勝事愁疇昔清談想緒餘吹簫索上去歸國有
魂車

宋綬參政之子宋長子敏。字次道。及敏修字
中道。敏。字終龍。圖閣學士。敏修乃不得一館職。

論高之。○索上謂索水也。距汴四十里。即為古也。索河。

葛郎中挽詞二首

卷卷總惟輕。空堂畫哭聲。衣冠餘故物。杯按若平生。白馬有悲送。赤車非古行。低徊九原日。光景在銘旌。

葛源字宗聖。處州麗水人。終度支郎中。湖比路。提刑介甫書。宗聖墓有云中貴人擊驛吏取所。給過家以言。府不敢劾。公曰。中貴人何憚焉。吾民而有蔭之者。吾亦耻之。上書論其事。中人坐絀。比公之為。縣於雍丘也。屬吏嘗有隙於公。同之。昔因讒之。公察其旨。不聽。以為舉首此。官之。為州於南。也。又銘曰。士竅以養。交兮。弛。官之。不思。維公。所至。芳榮。職嗜。事彼。能顯。明。

方公則不晰。不銘。示後。方孰。勸為。瘁。檀弓。穆伯。之喪。敬。姜。晝。哭。文。伯。之。喪。晝。夜。哭。孔。子。曰。知禮。矣。○後漢。范。式。與。張。元。伯。為。友。及。張。死。巨。卿。素。車。白。馬。往。送。其。葬。○太。常。朝。陵。赤。車。千。乘。此。漢。制。非。古。也。疑。後。出。士。夫。葬。亦。或。用。赤。車。○古。行。疑。是。古。行。賈。捐。之。傳。吉。行。日。五。十。里。

其二

蠻荆長往。池湖海獨歸。時旅榘蛟龍。護銘旌。鴈鷺隨。此生要有盡。何物告無期。一片幽堂石。公知我不欺。

補許。贈尚書工部侍郎鄭公挽詞。○王少卿。聖史。鄭。工部。文定。將。漕。陝。西。經。畫。靈。武。後。謫。監。郢。州。京。山。縣。稅。過。信。陽。軍。白。雪。驛。作。絕。句。以。而。湮。沒。莫。有。知。者。止。君。皇。祐。間。別。是。邑。重。書。下。牌。後。亦。云。近。郢。州。工。

詩九三百餘首 工部在京山又有寒食日經秀
上人房詩云花時懶看花來訪野僧家勞師報新
火勸我雨前茶其詩篆書刻石在縣多宝寺由據
塵史所記則詩所稱將畧詩名不虛矣

王荆文公詩卷之五十



州臨川人慶曆二年登進士甲

年六十一歲卒

年六十一歲卒

年六十一歲卒 年六十一歲卒 年六十一歲卒

自序

自序 自序 自序





圖書在版編目(CIP)數據

王荆文公詩箋註/[宋]王安石撰;〔宋〕李壁箋註.
北京:北京圖書館出版社,2003.8
(中華再造善本)
ISBN 7-5013-2224-4

I.王… II.①王…②李… III.古典詩歌—作品集—
中國—北宋 IV.I222.744.1

中國版本圖書館CIP數據核字(2003)第049069號



ISBN 7-5013-2224-4



9 787501 322244 >

書名 王荆文公詩箋註(全二十冊)
著者 [宋]王安石 撰 [宋]李壁 箋註

出版 北京圖書館出版社(100034 北京市西城區文津街七號)
發行 Tel:(010)66151313 Fax:(010)66174391

E-mail: Btsfxb@publicf.nlc.gov.cn
Website: www.nlcpress.com

印刷 金壇市古籍印刷廠

開本 八

印張 二一九·二五

版次 二〇〇三年八月第一版第一次印刷

印數 一—二〇〇

書號 ISBN 7-5013-2224-4/K·589

定價 七〇·一〇圓

北京圖書館出版社
地址:北京西城區文津街七號
電話:010-66151313
傳真:010-66174391
E-mail: Btsfxb@publicf.nlc.gov.cn
Website: www.nlcpress.com

